

Ash Ahlip - Tangerine Hand Made in Aruba

Inspira pa materialnan di nabega

ORANJESTAD - Ash Ahlip a cuminsa cu e compania cu yama **Tangerine Hand Made in Aruba** unda cu e ta traha practicamente tur sorto di articulo si bo pidi'e haciendo uso di tela di bela di boto. E ta splica **Bon Dia** local ta inspira su persona pa su creacionnan y con el a cuminsa.



Ash a cuminsa mas o menos 5 aña pasa cu e creacionnan. El a cuminsa siña cose na 2011 unda cu e tabata traha articulonan pa su propio uzo. Finalmente ora cu amigo Cado de Lannoy a habri Salad Skate-shop e tabata kier tas pa su mes prome cual Ash a traha y despues el a bin cu e idea pa traha algun tas pa pone na benta den su tienda. “Y mi a haci esey.” Ash ta splica cu e momento ey nunca el tume na serio y a djis a traha algun cos. Despues di esaki pa 3 aña largo, e ta conta di no a haci nada mas pa loke ta cosemento y cu hopi tabatin di haber cu e tabat buscando un tela

adecua/particular cu tabata difcil pa haya e tempo ey.

Inspiracion

Local cu ta inspira Ash pa traha e articulonan ta, nabega. “Cu mi ex hefe mi tabata bay un bes pa aña Maine na e Wooden Boat School unda cu nan ta traha boto tradicional di palo cu bela. Mi interes ta pa traha bela grandi di boto, pero na Aruba no tin Mercado pa esey. Asina mi a dicidi di uza e materialnan relacion cu nabega cu toke di Caribe y

mi mesun estilo pa crea otro articulonan.

‘Bon reaccion di comunidad’ “Aña pasa mi a cuminsa bek unda cu mi a haya trabou cu gobierno trahando articulonan na man etc.” Pero pa motibo cu hopi hende tabata dicidi riba su tareanan el a dicidi di sali for di e contract ey y a opta pa bay riba su mes y dedica full su tempo na esaki desde september. “Mi a cuminsa publica tur dia, traha network rond di dje entre otro cual a haya bon reaccion di comunidad.”

Productonan

E tasnan parti pafo ta traha cu un material cu yama wax canvas y parti paden cu e tela di bela di boto cual ta dune su toke unico. Na prome el a traha 200 a base di peticion y ta splica cu ora el a ripara cu e creacionnan tin potencial y cu tin mercado pe na Aruba, a cuminsa pensa riba con pa amplia esaki.

Mi tin tasnan cu ta mod-

elonan tradicional, tasnan pa cierto temporada y tasnan y articulonan cu ta wordo crea a base di peticion. Local cu ta wordo traha pa cierto temporada (season), ta bin den un ekis cantidad so pa un ekis tempo tambe, Ash a splica. “E prome tas cu mi a cuminsa e ora cun’e ta e “bucket”, awo mi ta den mi segundo temporada cu e slogan cu mi a crea “We the beach people”, cual ta un tas pa lama yama “we the beach people tote bag”. ”

Tur articulo pa traha e tasnan ta bin di Merca, el a agrega.

Pa motibo cu e produccion ta birando cada bialha mas grandi e tin un area di trabou nobo unda cu ta bay traha sorto di tent, diferente tas pa tur sorto di uzo manera pa camara, keds entre otro. Pues a base di peticion su trabou ta bira varia, mas interesante, cu retonan nobo segun e necesidad di su clientenan el a termina bisando. □

